



Trg Roberts a B. Owena 76100 Brčko distrikt Bosne i Hercegovine, Telefon: +387 49 490-013, Faks: +387 49 490-020.
Трг Робертса Б. Овена 76100 Брчко дистрикт Босне и Херцеговине, Телефон: +387 49 490-013, Факс: +387 49 490-020.

Broj predmeta: 13-002099/23
Broj akta: 01.1-1528ZN-0031/23
Datum, Mjesto, 14. 12. 2023.. godine
Brčko

Na osnovu člana 17. stav (2) Zakona o Vladi Brčko distrikta BiH («Službeni glasnik Brčko distrikta BiH», broj: 27/23 - prečišćen tekst) i čl. 70 stav (4) Zakona o javnim nabavkama („Službeni glasnik BiH brojevi: 39/14 i 59/22), a u skladu s članom 69. stav (2) tačka d) Zakona o javnim nabavkama («Službeni glasnik BiH», brojevi: 39/14 i 59/22), člana 24. stav (2) tačka d) Instrukcije o organizaciji i internom postupanju u postupcima javnih nabavki u Brčko distriktu BiH broj:02-000209/22 od 18.1.2023. godine („Službeni glasnik Brčko distrikta BiH broj: 3/2023) i Zapisnika o pregledu i ocjeni ponuda sa preporukom komisije za javne nabavke broj:13-002099/23 od 13.12.2023. godine, gradonačelnik Brčko distrikta BiH d o n o s i

ODLUKU O PONIŠTENJU POSTUPKA JAVNE NABAVKE

Član 1.

Poništava se otvoreni postupak, međunarodni vrijednosni razred, za nabavku radova na izgradnji objekta Gradski stadion (V faza izgradnje) za potrebe Odjeljenja za javne poslove Vlade Brčko distrikta BiH, koji je pokrenut na osnovu Odluke o pokretanju postupka javne nabavke broj: 13-002099/23 od 28.8.2023. godine, Obavještenja o nabavci na portalu javnih nabavki broj: 1157-1-3-317-3-557/23 od 30.8.2023. godine, Ispravke obavještenja o nabavci broj: 1157-1-3-317-8-653/23 od 10.10.2023. godine i Ispravke obavještenja o nabavci broj:1157-1-3-317-8-775/23 od 23.11.2023. godine, predmjera radova u vezi sa Tenderskom dokumentacijom broj: 13-002099/23 i ponuda ponuđača,

iz razloga što nijedna od primljenih ponuda nije prihvatljiva, što prema čl. 69. stav (2) tačka d) Zakona o javnim nabavkama predstavlja osnov za poništenje postupka javne nabavke.

Obrazloženje

Komisija za nabavke je nakon izvršenog otvaranja ponuda konstatovala da su dostavljene tri ponude, ponuđača: **Grupa ponuđača „Antikorozijska d.o.o. Gacko, „Galax niskogradnja“ d.d. Brčko, „Royal company“ d.o.o. Bijeljina i „Elmont“ d.o.o. Bijeljina“, „Tehnograd“ d.o.o. Tuzla i Grupa ponuđača „Graditelj“ d.o.o. Brčko, „Conram“ d.o.o. Brčko, „Papilon“ d.o.o. Čelić, „Termo vent inženjering“ d.o.o. Brčko, „Astra plan“ d.o.o. Brčko i „Astra projekt“ d.o.o. Novi Sad.** Sastavni dio odluke čini zapisnik sa otvaranja ponuda i zapisnik o pregledu i ocjeni ponuda. U postupku je zahtijevano dostavljanje garancije za ozbiljnost ponude. Komisija je utvrdila da je samo ponuđač Grupa ponuđača „Antikorozijska“ d.o.o. Gacko i dr. dostavila garanciju za ozbiljnost ponude u skladu sa zahtjevima iz tenderske dokumentacije. Grupa ponuđača „Graditelj“ i dr. je dostavio garanciju koja nije u skladu sa tačkom 7.3.4. tenderske dokumentacije jer nije bila uvezana u cjelinu tako da je ponuda ocijenjena kao nepravilna. Ponuđač „Tehnograd“ d.o.o. Tuzla je dostavio garanciju koja ne pokriva period važenja ponude. Nijedna ponuda nije dostavljena u skladu sa zahtjevom iz tenderske dokumentacije u pogledu potpunosti, oblika, sadržaja i u pogledu načine pripreme i dostave ponude. Komisija za nabavke je ustanovila da u ponudi ponuđača „Antikorozijska“ d.o.o. Gacko, strana 91 ponude, u okviru predmjera radova za instalacije sistema ozvučenja, stavka 1 – Izrada izvoda

djelimično u PNK kanalima sistema slabe struje, djelimično u PVC kanalicama i dijelom u PVC instalacionim cijevima sistema slabe struke nije ponudio jediničnu cijenu u skladu sa zahtjevima iz tenderske dokumentacije, te je kao ukupnu cijenu za navedenu stavku upisao iznos od 0,00. Ponuđač nije postupio u skladu sa odredbama tačke 6.5.1., 6.5.2. i 7.7.4 tenderske dokumentacije, te članom 5. Uputstva za pripremu modela tenderske dokumentacije i ponuda. Komisija je ustanovila da Grupa ponuđača sa predstavnikom grupe ponuđačem „Antikorozijska“ d.o.o. Gacko ispunjava sve uslove definisane tačkom 5 – uslovi za kvalifikaciju ponuđača. Ponuđač „Tehnograd“ d.o.o. Tuzla ispunjava uslove definisane tačkom 5 tenderske dokumentacije osim uslova koji se odnose na ekonomsko finansijsku sposobnost ponuđača, definisanu tačkom 5.3.1 pod a) tenderske dokumentacije. Ponuđač je dostavio Izvještaj o računima poslovnog subjekta starijeg od 15 dana od dana predaje ponude. Komisija je ustanovila da Grupa ponuđača na čelu sa predstavnikom „Graditelj“ d.o.o. Brčko ne ispunjava sve uslove definisane tačkom 5 tenderske dokumentacije. Za člana Grupe, „Astra plan“ d.o.o. Brčko dostavljene su, na strani 168 i 172, izjave u skladu sa članom 45 i 52 koje su potpisane od strane Ivane Đokić a što je potvrđeno i ovjerom potpisa od strane nadležnog organa koja nije ovlašteno lice kod ponuđača, niti je za nju dostavljeno ovlaštenje za potpisivanje izjava. Analizom ponude je uočeno da je Izvještaj o računima poslovnog subjekta dostavljen samo za jednog člana Grupe ponuđača „Papillon“ d.o.o. Čelić dok za ostale članove nije dostavljen. Takođe i bilansi stanje su dostavljeni samo za jednog člana grupe „Papillon“ d.o.o. Čelić dok za ostale nisu. Takođe i finansijski izvještaji bilansi stanja i uspjeha su dostavljeni samo za jednog člana „Papillon“ d.o.o. Čelić dok za ostale članove nisu. Komisija je takođe ustanovila da je na strani 224 ponude dostavljena izjava člana Grupe „Papillon“ d.o.o. Čelić o ukupnom prometu, ovjerena od strane ovlaštenog organa ali uz istu nije dostavljen zahtijevani spisak izvršenih ugovora na isporuci radova u posljednje tri godine. Ponude su ocijenjene kao neprihvatljive. U pogledu analize ponuda vezano za ispunjenje zahtjeva u pogledu opisa predmeta nabavke i tehničkih specifikacija, komisija je ustanovila da Grupa ponuđača na čelu sa „Graditelj“ d.o.o. Brčko nije dostavila ponudu na izmijenjenim stranama 59,164,165,166,167 i 168, a što je bila u obavezi u skladu sa izmjenama tenderske dokumentacije od 12.10. 2023. godine i 23.11.2023. godine tako da je ponuda ocijenjena kao nepravilna u skladu sa odredbama tačke 1.1.10 tenderske dokumentacije Komisija je dostavila preporuku da se ponuda Grupe ponuđača na čelu sa ponuđačem „Antikorozijska“ d.o.o. Gacko ocijeni kao nepravilna u skladu sa odredbama tačke 1.1.10 tenderske dokumentacije. Izvršena je računaska kontrola ponuda i utvrđeno je postojanje računske greške u ponudi ponuđača Grupa ponuđača na čelu sa „Graditelj“ d.o.o. Brčko. S obzirom da je ponuda već ocijenjena kao nepravilna i neprihvatljiva nije zahtjevana saglasnost za ispravku. S obzirom da nijedna od dostavljenih ponuda nije ocijenjena kao prihvatljiva nije bilo uslova za provođenje e-aukcije i komisija za nabavke je dostavila preporuku o poništenju postupka javne nabavke.

POUKA O PRAVNOM LIJEKU:

Protiv ove odluke zainteresovane strane imaju pravo podnijeti pismenu žalbu ugovornom organu dostavljanjem žalbe u najmanje tri primjerka u Odjeljenje za stručne i administrativne poslove Pododjeljenje za javne nabavke Vlade Brčko distrikta BiH, u roku od 10 dana od dana prijema odluke.

DOSTAVLJENO:

1. Pododjeljenju za javne nabavke,
2. Gradonačelniku,
3. Ponuđačima,
4. Odjeljenju za javne poslove,
5. Arhivi.

